

7- Dergâh-ı mezkûr esâsen tarikat-i aliyye-i Halvetiyye'nin Buhûrî kolundan olup el-yevm tarîk-i Sünbûliyye âyîni icrâ edilmekte ve el-yevm pazartesi günü akşamı icrâ-yı âyîn olunur. Dergâh-ı mezkûr fukarâsına âid olmak üzere türbedarlık, zâkirbaşılık, meydancılık, müezzinlik gibi vezâ'ifi merhûm Mehmed Selim Ağa tarafından bâ-vakfiyye tahsîs edilmiş ise de kırk seneye karîb bir zamandan beri ne tahsîsât verilmiş ve ne de aranılmıştır. Vezâ'if-i mezkûr tensîb edilen zâtlara ücreti tarafımdan tesviye edilmek üzere icrâ ettiriliyor. Dergâh-ı mezkûrun müseccel vakfiyesi olmayıp ancak Mehmed Selim Ağa'nın dergâha meşrûta vakfiyesi mevcuttur.

8- Hulefâm yoktur.

9- Bâlâda muharrer terceme-i hâlimin bundan ibâret olduğunu mübeyyin işbu mahalli temhîr eyledim. Fi 23 Teşrîn-i sâni sene [1]334 [23 Kasım 1918] ve [Fî 18 Sefer sene 1337] [23 Kasım 1918] Şeyh Nûrullah b. Mehmed Nazif. İşbu terceme-i hâl varakası Saçlı Hüseyin Efendi Dergâh-ı şerîfi postnişini efendi tarafından îtâ olunduğunu mübeyyin şerh verildi.

Sıra: 7

IST_MFT_MSH_SAID_0254_0023_1_1337H_Safer_18[23 Kasım 1918]_N

Ahmed Keşfi Efendi Dergâhı postnişini Şeyh Mehmed Hicâbî Efendi.

Suâller:

1- Terceme-i hâl sâhibinin isim ve mahlası ve şöret ve lakabı, bir sülâle-i ma'rûfeye mensûb ise keyfiyyet-i nisbeti, mezheb-i i'tikâdî ve amelîsi ve hangi tarîkten müstahlef olduğu ve târih-i intisâbıyla müstahlef oluncaya kadar müddet-i hizmeti ve şeyhinin isim ve şöret?

2- Târih ve mahall-i vilâdeti ve pederinin isim ve şöret?

3- Resmî ve husûsî hangi mekteb ve medreselerde yâhud muallim-i mahsûsdan hangi ilim ve fen ve sanat ve lisânları ne dereceye kadar tahsîl eylediği, şehâdetnâme ve tasdiqnâme ve icâzetnâme alıp almadığı, almış ise târihleri, hangi lisânlarla kitâbet yâhud yalnız tekellüm ettiği, tab ve neşrolunmuş eser ve te'lîfi var ise neye dâir olup ne zaman ve nerede tab ve neşrolunduğu?

4- Hâl-i hâzırda veyâhud evvelce hizmet-i devlette bulunup bulunmadığı?

5- Postnişini bulunduğu dergâh-ı şerîfin bir veya müteaddid ismi ve ne nâm ile yâd olunduğu ve semt-i meşhûru ve meşihat cihetinin târih-i tevcihi?

6- Bânîsinin ve ikinci bânîsi var ise isimleri ve târih-i binâsı?

7- Dergâhın esâsen mensûb olduğu tarikat-i aliyye ile el-yevm erkânı icrâ edilmekte olan tarikat-ı aliyyenin ismi, eyyâm ve leyâli-i mahsûsası, el-yevm icrâ-yı erkân edilmemekte ise sebebi?

Dergâhta meşihatten mâ'adâ cihât-ı sâirenin meşrût ve mevcûd olup olmadığı ve kimlerin uhdelerinde bulunduğu ve dergâhın ma'mûlün-bih ve müseccel vakfiyesi bulunup bulunmadığı ve vakfiyesi yok ise te'âmül-i kadîmi neden ibâret olduğu?

8- Sâhib-i tercemenin hulefâsı var ise isim ve şöretleri ve mahal ve târih-i vilâdetleri ve inâbe eden dervîşânın adedi?

9- İşbu varakada muharrer suâllerin cevâbları alâ-vechi's-sıhha cevâb hânelerine tahrîr ve zîr-i varaka imzâ ve tahtîm edildikten sonra merkezlerden ve merkez bulunan tekâyâ meşâyihinin terâcim-i ahvâli Sermüfettişlikten ba'de't-tasdiq Meclis'e tevdi' olunacaktır. Bir me'mûriyette

bulunup da evvelce terceme-i hâl varaka-i resmîyesi i'tâ etmiş olan zevât dahi Meclis-i Meşâ-yih Nizâmnâmesi ahkâmına tebe'an işbu varakayı imlâ edeceklerdir.

Cevaplar:

1- İsmim Mehmed Hicâbî, mezhebim Hanefî ehl-i sünnettir ve i'tikâdım Mâtürîdî'dir. Bursalı Eşrefzâdelerden Şeyh Safiyyüddin Efendi'den tarîk-i Kâdiriyye'den müstahlefim ve tarîk-i Şa'bâniyye'den Şeyh Necib Efendi merhûmdan sülûk ettim ve târih-i istihlâfım 1286 târihidir. Şeyhimin ismi Safiyyüddin ve Necib efendilerdir.

2- Târih-i vilâdetim 1256 [1840/1841] sene-i hicriyesidir. Dersâadet'tedir. Pederim Şeri'atçı-i Mora'dan Ahmed Kâmil Efendi'dir.

3- 1261 [1845] târihinde mekteb-i ibtidâiyyede ba'dehû rüşdiyede tahsîl gördüm. Türkçe te-kellüm ve kitâbet ederim. Tab' ve neşrolunmuş âsârım yoktur.

4- 1271 [1854/1855] târihinde Mûsika-i Hümâyûn'a kabûl olundum. 1275 [1858/1859] târihinde tabur kitâbetine ve kırk gün sonra iki bin guruş ma'âş, dört bin guruş ta'yinat ile kurenâlık hizmetiyle Mâbeyn-i Hümâyûn'a kabûl buyuruldu. Târih-i mezkûrda alay eminliğine 1278 [1861/1862] târihinde Arabistan Ordusu Piyâde Alayı'na, 1280 [1863/1864] târihinde Bâb-ı Seraskerî Tahakkuk Komisyonu azâlığına, 1284 [1867/1868] târihinde Girid Meclis-i Askerî azâlığına ve Umûm Hastahâneler Müdüriyeti'ne, ba'dehû bi'l-istifâ 1286 [1869/1870] târihinde İznik kazâsı Müdüriyeti'ne 1287 [1870/1871] târihinde Galos Rûsûmât Müdüriyeti'ne 1288 [1871/1872] târihinde rütbe-i askeriyemin i'âdesiyle Selanik İdâre-i Askeriyyesi azâlığına ve oradan Mitroviçe Sevkiyyât Komisyonu riyâsetine ve Selanik'e avdetle me'mûriyyet-i sâbıkam olan idâre azâlığına ilâveten teşekkül eden Millet-i Mûseviye Bakâyâ Tahsîlât Riyâseti'ne ve bu aralık hastalığıma mebnî me'mûriyetten çekildim ve yukarıda mezkûr me'mûriyetlerde muhtelif ma'âş aldım.

5- Postnişini bulunduğum dergâh-ı Kâdiriyye'den Ahmed Keşfi Efendi Dergâhı'dır başka nâmı yoktur. Târih-i tevcih-i meşihat 1311 [1893/1894] senesidir semt-i meşhûru Üsküdar'da Yüncüler'dir.

6- Bânisi Ahmed Keşfi Efendi merhûmdur.

7- Dergâhın esâsen mensûb olduğu tarikat, tarikat-i Kâdiriyye'dir el-yevm âyîn-i Kâdiriyye icrâ olunur. Perşembe günleri ve cuma geceleri ve leyâli-i mübârekede icrâ-yı âyîn olunur.

Varaka-i mersûlede cihât-ı sâire ve vazîfe hakkında ma'lûmât yoktur.

8- Hulefâsı ve dervîşânı hakkında varaka-i mersûlede ma'lûmât yoktur.

9- Ahmed Keşfi Efendi Dergâhı postnişini Mehmed Hicâbî Bey müsîn ve hasta bulunduğu için işbu sicill-i ahvâl varakasını imlâyaya vakti müsait olmadığından taraf-ı dervîşâneme irsâl eylediği varaka mündericâtına nazaran mümkün mertebe anlaşılabilirdiğî derecedeki ma'lûmât bâlâya yazılmıştır.